

II - ARABAKO LURRALDE HISTORIKOAREN TOKI ADMINISTRAZIOA

VITORIA-GASTEIZKO UDALA

INGURUGIRO GAJETARAKO IKASTEGIA

Ingurugiro Gaietarako Ikastegiak antolatutako jardueretan parte hartzen duten ikasleen garraioa diruz laguntzeko deialdia arautzen duten oinarri espezifikoak. 2021-2022 ikasturtea

1. Deialdiaren xedea

Gasteizko ikastetxeei laguntza ekonomikoa ematea da diru-laguntza deialdi honen xedea, haien ikasleak Ingurugiro Gaietarako Ikastegiak 2021eko urritik 2022ko ekainera bitartean antolatutako jardueretara eramateko.

2. Nori zuzenduriko baliabidea eta diruz lagundu daitekeen xedea

Ondoko betebeharrak betetzen dituzten ikastetxeek eskuratu ahal izango dituzte garraiorako laguntza hauek:

– Ikastetxea Gasteizko udalerrian kokatua egotea edo, gutxienez, ikasleen ehuneko 60 udalerrian erroldatua egotea.

– Ikasle guztiek edo horietako batzuek 2021eko urritik 2022ko ekainera bitartean Ingurugiro Gaietarako Ikastegiak antolatu dituen jardueretako batean parte hartu izana.

– Jarduera horietan parte hartzeko garraio kolektiboren bat erabili behar izana, ikastetxetik jarduera burutu den tokira eta/edo handik ikastetxera eramateko.

– Ikastetxeak jasandako gastuak jasoko du diru-laguntza, Ingurugiro Gaietarako Ikastegiak antolatutako jardueretan parte hartzen duten ikasleak garraiatzeko garraio kolektiboaren zerbitzua ordaintzeko. Garraio kolektibo publikoa (autobusa eta tranbia) zein helburu horretarako ikastetxeek kontratatutako garraio publikoa jotzen da garraio kolektibotzat.

3. Aurrekontu zuzkidura eta diru-laguntzaren zenbatekoa

Ingurugiro Gaietarako Ikastegiak, gehienez, deialdirako 6.000,00 euroko kreditua erabiliko du 2021-2022 ikasturterako Ingurugiro Gaietarako Ikastegiaren aurrekontuaren 2022ko 0110.1722.471.04 partidaren kontura, kreditu egokia eta nahikoa egotea xede horretarako gaituta dagoen udal aurrekontu horretan.

Ikastetxe edo ikasleen familien elkarte bakoitzeko, diru-laguntza ez da izango, inolaz ere, 1.000 eurotik gorakoa, BEZ barne.

Hauxe izango da banaketa-sistema:

– Deialdiko kredituaren ehuneko 50 onartutako ikastetxeek aurreikusitako gastuaren arabera pro-portzionalki banatuko da.

Atal honetan emango den diru-laguntza honela zehaztuko da:

– Ikastetxeren batzuek 1.000,00 euroko diru-laguntza gainditzen badute, eman daitekeen gehieneko diru-laguntza jasoko dute, hau da, 1.000,00 euro.

– Horrelako ikastetxerik bada, horiek kontuan hartuta eta, halaber, dagokien diru-laguntzaren zenbatekoa ere kontuan hartuta, berriro aplikatuko da irizpidea funtsaren gainerako zatiarekin, lehen kalkuluan eman zekiekeen zenbateko maximora iritsi ez diren ikastetxeen artean, eta horrela jarraituko da, behar beste aldiz.

Ingurugiro Gaietarako Ikastegiak ofizioz, berak antolatzen dituen hezkuntza-programetan ikastetxeak izena emanda duen egiaztatuko du, onartutako ikastetxeek programa horietan gastuen aurreikuspena egin dutenean.

Ez da kontuan hartuko Ingurugiro Gaietarako Ikastegiaren jardueren-programa jakin bat gara-tzeko lekura ikasleak garraiatzeak sortutako gastuaren aurreikuspena, ikastetxeak ez badu formalizatu programa horri dagokion izen-ematea.

– Gainerako kreditua, ehuneko 50, onartutako eskabideen artean banatuko da proportzionalki, on-dorengo atal hauetako bakoitzean ikastetxe bakoitzak lortu duen puntuazio osoaren arabera:

– Dagokion ikastetxean matrikulatutako ikasleen kopuruaren arabera puntuazioa. Horrela, 2020-2021 ikasturtean zenbat haur izan diren matrikulatuta, horrenbeste puntu esleituko zaizkio horietako bakoitzari.

– Bekadunen kopurua bider 3 egin ondoren ateratzen den puntuazioa, betiere, Arabako Hezkuntzako Lurralde Ordezkaritzak 2020-2021 ikasturteaz emandako datuen arabera. Eusko Jaurlaritzako Hezkuntza Sailaren mende dauden ikastetxe publikoen kasuan, aurreko puntuazioa bider 2 egingo da berriro.

Bekadun ikasletzat joko dira 2020-2021 ikasturtean Eusko Jaurlaritzako Hezkuntza Saileko beka jaso duten ikasleak, 2020ko irailaren 30eko Aginduak, Hezkuntzako sailburuarenak, xedatutakoaren arabera.

– Ikastetxeak “Hamaika Esku” esku-hartze planean parte hartzen badu, aurreko puntuazioa bider 2 egingo da berriro ere.

4. Eskabidea aurkezteko epea eta aurkeztu beharreko agiriak:

Eskabideak aurkezteko epea oinarri hauen deialdiaren laburpena ALHAOn argitaratu ondorengo egunean hasiko da, eta 2022ko ekainaren 30era arte.

Eskabideak eta dokumentazioa aurkezteko lekua: 2021. urterako Gasteizko Udalaren diru-laguntzetarako deialdia arautzeko oinarri orokorren arabera (eskuragarri daude Udalaren webgunean www.vitoria-gasteiz.org herritarrei laguntzeko bulegoetan eta 148 zenbakiko ALHAOn, 2020ko abenduaren 30ekoan).

Agiri hauek erantsi beharko zaizkie eskabideei:

– Eskaera ikastetxeko zuzendaritzak aurkeztuko du, Vitoria-Gasteizko Udalaren 2021erako diru-laguntzen deialdia arautzen duten oinarri orokorren ereduaren arabera (2020ko abenduaren 30eko 148 zenbakiko ALHAOn) eta www.vitoria-gasteiz.org/subvenciones webgunean egongo da eskuragarri.

– Deialdirako eskaera berbera udaleko beste sail edo zerbitzu batzuetan aurkeztu ez izana egiaztatzen duen erantzukizun adierazpena (oinarri espezifiko hauei erantsitako 1. eranskina).

– Ikastetxea Vitoria-Gasteizko udal-mugartetik kanpo badago, baina ikasleen ehuneko 60 baino gehiago bertan erroldatuta badago, ikastetxeko zuzendaritzak ikasle horien ehunekoari buruzko zinpeko adierazpena aurkeztuko du (oinarri espezifiko hauei erantsitako 2. eranskina).

– Diru-laguntza lehenbiziz Ingurugiro Gaietarako Ikastegian eskatu bada edo bankuko datuak aldatu badira:

– Bankuko kontu-zenbakia: banketxeak egindako ziurtagiri bat aurkeztu beharko da. Bertan jasota egon beharko dira kontu-zenbakia eta titularra, kontuan hartuta titulartasuna ikastetxeak izan behar duela, ez, berriz, pertsona fisiko batek.

– Zerga-identifikazioko txartelaren fotokopia.

– 1-J eranskina. Eranskin hau beteko da, baldin eta proiektua edo jarduera zenbait entitate publiko edo pribatuk finantzatzen badute, eta/edo entitate onuradunaren funts propioekin.

– Justifikatzeko sistema: Pertsona edo entitate onuradunek justifikatzeko kontua aurkeztu beharko dute jasotako dirulaguntza justifikatzeko, ondoren adierazitakoari jarraituz, dirulaguntzen ildo bakoitzaren berariazko oinarrietan justifikatzeko beste sistematik ezarri ezean. Dokumentazioa aurkezterakoan oinarri hauetan agiriak normalizatzeko emandako irizpideak hartu beharko dira kontuan.

– Justifikazioko kontuak alderdi hauek jaso beharko ditu:

– Jardueren kostua justifikatzeko txosten ekonomikoa. Xehetasun hauek jaso beharko ditu:

– 2-J eranskina. Diruz lagundutako proiektuari dagozkion gastuen egiaztagirien zerrenda: Eranskin hau beteko da udal dirulaguntzari egozten zaizkien gastuak justifikatzeko, gastu-motak zedarritu behar direlarik hartzekoduna, kontzeptua, data ea zenbatekoa adierazita, eranskinean jasotzen denaren arabera. Eranskinari jatorrizko fakturak eta fakturen ordainagiriak atxikiko zaizkio. Dirulaguntzari egozten zaizkion langile-gastuetarako, nominak eta TCak (egungo RNT eta RCL) erantsiko dira. Eskudirutan ordaintzeko, aintzat hartu beharko da legez ezarritako mugapena, zein web-orri honetan kontsultatu daitekeen: www.agenciatributaria.es.

– 3-J eranskina. Proiektu edo jardueraren diru-sarrera eta gastuen balantzea.

– 5-J eranskina. Erantzukizunpeko aitortpena: Entitate onuradunak adierazpen hauek biltzen dituen eranskina beteko du:

– Aurkezten diren faktura, fakturak eta ordainagiriak aurreikusitako helburu edo xedea lortze bidean sortuak direla, eta Gasteizko Udalaren ekarpena baliatu zela horiek finantzatzeko.

– Entitate onuradunaren erantzukizunpeko adierazpena, non diruz lagundutako jarduera finantzatzeko baliatu diren bestelako diru-sarrera edo dirulaguntzak zedarritutako diren, zenbatekoa eta jatorria zehaztuta, edo, halakorik badagokio, ez duela bestelako laguntzarik ez eskatu ez eskuratu azaltzeko adierazpena.

– ikastetxera joateko mugikortasun aktibo eta autonomia sustatzea helburu duten ekintzei buruzko sortutako gastuen fakturen kopia aurkeztu beharko dira, jatorrizko fakturekin batera (ondoren, konpultsatu egingo dira).

Diru-laguntzen eskaerak egiteko baldintza guztiak betetzen ez badira edo eskatutako dokumentazioa erantsen ez bada, oinarri orokor hauetan adierazitakoa hartuko da kontuan.

5. Balorazio-irizpideak

Jasotako eskabideak aurkezten diren fakturen arabera hartuko dira kontuan, eta Ingurugiro Galetarako Ikastegiak antolatutako hezkuntza-jardueretara joateko kontzeptua izango dute oinarrian.

6. Aurkeztutako agirietako akatsak zuzentzea

Eskabideak oinarri hauetan xedatutako baldintzak bete ezean, organo eskudunak errekerimendua egingo dio erakunde edo pertsona interesatuari, 10 egun balioduneko epean hutsak zuzen ditzan (epe hori ezin izango dela inolaz ere luzatu ohartarazita). Halaber, ohartaraziko zaio horrela egin ezean eskabidean atzera egin duela ulertuko dela, beti ere, Sektore Publikoaren Araubide Juridikoaren urriaren 1eko 40/2015 Legean xedatutakoaren arabera ebazpena eman ondoren.

7. Diru-laguntzak emateko prozedura

Diru-laguntzen emakida prorata gisa gauzatuko da.

Diru-laguntzak jaso ondoren, baldintzak egiaztatu ondoren, eta eskabideak izapidetzeko onartu ondoren, txosten teknikoa eta ebazpen-proposamena igorriko dira, oinarri hauetan ezarritako irizpideekin bat etorritik.

Hala, kide anitzeko eskumeneko organoa eratuko da eskaerak eta emakida-proposamena aintzat hartzeko. Organo horretan, honako hauek egongo dira: Ingurugiro Galetarako Ikastegiaren lehendakaria, ikastegiaren ingurumen sentzibilizatoriorako sailaren burua eta, ikastegiaren ingurumen sentzibilizatoriorako sailaren teknikari bat.

Era berean, organo izapidegilea Ingurugiro Gaietarako Ikastegiko administrazio-kudeaketaren burua izango da, eta datuak zehazteko, ezagutzeko eta egiaztatze beharrezkotzat jotzen dituen jarduketa guztiak egingo ditu ofizioz. Datu horien arabera egingo da diru-laguntzak emateko ebazpen-proposamena.

Ingurugiro Gaietarako Ikastegiko lehendakariari eskuordetu zaio deialdi honetan araututako dirulaguntzak ebazteko eskumena.

8. Ebazpena emateko eta jakinarazteko epea

2021erako diru-laguntzen deialdiak arautzeko oinarri orokorretan xedatutakoaren arabera (eskuragarri daude udalaren webgunean, www.vitoria-gasteiz.org, herritarrei laguntzeko bulegoetan, eta 2020ko abenduaren 30eko 148zenbakiko ALHAOn).

9. Diru-laguntza ordaintzea eta justifikatzea

Ingurugiro Gaietarako Ikastegiak ordainketa bakarrean ordainduko du zenbatekoa. Horretarako, gehienez ere bi hilabeteko epea izango du dagokion ebazpena jakinarazten denetik aurrera.

Diru-laguntzetarako aurkeztu diren facturen bitartez egingo da justifikazioa. Eranskinak eta bestelako dokumentazioa ere erabiliko dira justifikazioa egiteko.

10. Itzulketa

Vitoria-Gasteizko Udaleko dirulaguntzei buruzko udal-ordenantzen hogeigarren artikuluan zehaztutako egoeraren bat egokituz gero, jasotako zenbatekoak itzuli egin beharko dira, eta, era berean, dirulaguntzaren ordainketa-egunetik aurrera sortutako berandutze-interesak ordaindu beharko dira.

Itzultzeko jardunbidea dirulaguntzei buruzko udal-ordenantza horretan xedatutakoa izango da, onuradunaren jokabideari lotutako arau-hausteak eta zehapenak gorabehera.

Jasotako kopuruak eta berandutze-interesak itzultzea bidezkoa bada, Ingurugiro Gaietarako Ikastegiko ES22 2095 0611 06 1090953091 kontuan egingo da. Horretarako, Ingurugiro Gai-etarako Ikastegian diru-sarreraren ordainagiria aurkeztuko da.

11. Laguntzen bateragarritasuna

Ematen den diru-laguntza bateragarri izango da helburu berarekin beste edozein erakunde publiko edo pribatuk ematen dituztenekin, jardueraren gain-finantziatorik gertatzen ez den bitartean. Halakorik gertatuz gero, murriztu egingo da diru-laguntzaren zenbatekoa, gehieneko mugaraino.

12. Onuradunen betebeharrak

– Gasteizko Udalaren Kontu-hartzailletza Nagusiari dagozkion ikuskatzeko eta finantzak fiskalizatzeko lanak onartu eta laguntzea.

– Helburu bererako beste diru-laguntza, laguntza, diru-sarrera edo baliabiderik jasoz gero, jakinaraztea.

– Diru-laguntza emateko orduan kontuan izandako edozein zirkunstantzia objektibo nahiz subjektibo aldatuz gero, Ingurugiro Gaietarako Ikastegiari horren berri ematea, nahiz zerbitzu horrek eskatzen duen edozein informazio ematea.

– Diru-laguntzei buruzko udal ordenantzako betebeharrak betetzea.

13. Arau-hausteak eta isunak

Gasteizko Udalaren Diru-laguntzak arautzeko Ordenantzan xedatutakora egokituko da arau-hauste eta zigorren erregimena.

14. Aplikagarri den legedia

Oinarri hauetan aurreikusi gabekoetan, Gasteizko Udalaren diru-laguntzei buruzko udal ordenantza aplikatuko da, baita Diru-laguntzei buruzko azaroaren 17ko 38/2003 Legea eta horren araudia ere, uztailearen 21eko 887/2006 Errege Dekretuaren bidez onetsia, eta aplikagarri diren gainerako arauak.

Vitoria-Gasteizen, 2021eko azaroaren 5ean

Ingurugiro Gaietarako Ikastegiko lehendakaria
ANA OREGI BASTARRIKA

I. ERANSKINA

ERANTZUKIZUN ADIERAZPENA

Ingurugiro Gaietarako Ikastegiak antolatutako jardueretan parte hartzen duten ikasleen garraioa diruz laguntzeko deialdia

2021-2022 IKASTURTEA

_____ jaunak/andreak

_____ NAN zk. duenak,
ikastetxeko zuzendari gisa,
_____ - _____ IFK/IFZ eta
_____ helbidea izanik

ADIERAZTEN DU

Erantzukizun gisa, eta Ingurugiro Gaietarako Ikastegiak antolatutako jardueretan parte hartzen duten ikasleen garraioa diruz laguntzeko deialdi honetarako, ordezkatzeko duzun ikastetxeak ez duela diru-laguntzarik eskatu beste sail edo zerbitzu batean.

Jasota gera dadin eta dagozkion ondorioak izan ditz an,

Vitoria-Gasteizen, 2021ekoren(e)(a)n

Izen-abizenak
(Jatorrizko sinadura eta zigilua)

II. ERANSKINA

ERANTZUKIZUN ADIERAZPENA

Ingurugiro Gaietarako Ikastegiak antolatutako jardueretan parte hartzen duten ikasleen garraioa diruz laguntzeko deialdia.

2021-2022 IKASTURTEA

_____ jaunak/andreak
_____ NAN zk. duenak,
_____ ikastetxeko zuzendari gisa,
_____ IFK/IFZ eta
_____ helbidea izanik

ADIERAZTEN DU

Erantzukizun gisa, eta eta Ingurugiro Gaietarako Ikastegiak antolatutako jardueretan parte hartzen duten ikasleen garraioa diruz laguntzeko deialdi honetarako, ordezkatzan duzun ikastetxeko ikasleen % 60 gutxienez Vitoria-Gasteiz udalerrian erroldatuta dagoela.

Jasota gera dadin eta dagozkion ondorioak izan ditzan,

Vitoria-Gasteizen, 2021ekoaren(e)(a)n

(izenpea eta zigilua, jatorrizkoak)